



**DN. DVRANDI|| à Sancto Portiano, in Senten=||tias
Theologicas Petri Lombardi|| Commentariorum libri||
quatuor.||**

Durandus <de Sancto Porciano>

Antverpiæ, 1567

Quæstio prima. Vtrum gratia & virtus sint idem.

[urn:nbn:de:hbz:466:1-72607](https://nbn-resolving.de/urn:nbn:de:hbz:466:1-72607)

Magistri Durandi de

sed voluntas praeedit credere, ergo fidem cum credere fit ex fide. Et soluit dicens quod hoc ideo est, non quia fides ex voluntate hominis proueniat, sed quia non est fides, nisi in eo quia vult credere. Cuius bonam voluntatem fides prouenit, non tempore, sed causa, & natura. Quod confirmat per Aug. Postea magis corroborat prae dicta questionem per Aug. exponendo verba Apostoli, quibus videtur innuere quod cogitatio praeedit fidei, & quod cogitatio est idem quod voluntas. Item nullus credit quod prius non cogitauerit, ergo cogitare praeedit credere, & similiter voluntas fidei. Et soluit ostendens duplum esse cogitationem, naturalem scilicet & gratitiam. Et hoc confirmat per Aug. Per hanc autem distinctionem docet Magister reducere omnes autoritates Augustini ad concordiam. Addit autem quod per gratiam prouenientem praeedit in homine quedam bona, ex gratia Dei & libe. arb. Quod em verò ex libero arbitrio, & per talia non sit homo in gratia. Ostendit etiam quod haec gratitudo dona que ex gratia Dei & libero arbitrio proueniunt, non cadunt sub merito, ut quando de impio vel iniusto sit pius & iustus, quia nulla merita in ipso praecesserunt. Postea mouit quandam dubitationem de gratia operante & cooperante, utrum scilicet sit una gratia, an diuersa. Respondebat quod est una & eadem gratia, & idem donum, sed propter diuersos effectus dicitur operans & cooperans. Et in hoc terminatur sententia lectionis, &c.

QVÆSTIO PRIMA.

Vtrum gratia & virtus sint idem.

Ibidem l. 2. q. 10. a. 3.

Circa distinctionem istam queritur de tribus. Primum est, utrum gratia & virtus sint idem, an differant rea liter. Secundum est, in quo tamen in subiecto sit gratia: utrum videlicet sit in essentia animæ, an in aliqua eius potentia. Tertium est, utrum diuisio gratiae per operantem & cooperantem sit bona. Ad primum sic proceditur. Et arguitur quod gratia & charitas non sunt idem, quia illa non sunt idem, quorum non sunt idem actus, sed virtus & gratia non est idem actus, quia gratia habet actum continuum in anima (scilicet gratificare animam) virtus vero habet actum interpolatum (scilicet opus meritorium) ergo &c.

Item quorum differentiae diuisive differunt, & ipsa differunt, sed differentiae virtutum & gratiarum differunt, quia virtus diuiditur in morales, intellectuales, & theologicas, gratia vero in operantem & cooperantem, ergo &c.

In contrario est, quia quorum est eadem distinctione, scilicet illa que ponitur in litera quod est qualitas bona mentis, ergo &c.

RESPONSO. Quidam dicunt quod gratia & virtus differunt per essentiam. Quod probant sic, in omnibus principiis essendi differunt realiter a principio operandi, sicut videmus in naturalibus, quod forma substantialis igitur per quam habet esse, differit realiter a calore, per quem habet agere. Sed gratia est principiū essendi supernaturaliter, virtus autem est principiū operandi supernaturaliter, ergo &c. Maior patet. Sed minor probatur, quia ad hoc quod aliquid operetur opera aliquis generis, oportet quod prius constitutur in esse illius generis. Ad hoc igitur ut aliquid operetur opera supernaturalia per virtutes theologicas oportet quod prius constitutur in esse supernaturali, quod fit per gratiam, quia est quedam participatio esse diuina, ergo &c.

Hæc autem opinio deficit in duobus, scilicet in se, & in sua ratione: in se, quia destruet principio essendi des truit principio operandi. Si ergo gratia est principio essendi in esse supernaturali, & virtutes theologicae principiū operandi supernaturaliter, tunc destruet gratia, destrueretur omnes virtutes theologicas, quod falsum est, quia destructa gratia manet fides & spes, deficit etiam in sua ratione. Quod enim principiū essendi differat a principio operandi, forte verum est de primo principio essendi, quod dat esse substantiale, ut fatus patet in exemplo adducto. Sed de principio essendi secundario, quod dat esse accidentale, non potest esse verum. Calor enim qui dat esse accidentale igni, est ei immediatum principiū agenti. Et ita cum gratia det esse accidentale, & non substantiale

Sancto Porciano

tiale, nihil prohibet eam esse immediatum principiū operandi, immo videtur quod econtrario sit arguendum sic, si cut se habet virtutes morales ad esse morale & opera moralia, sic se habent virtutes supernaturales ad esse supernaturale, & ad opera supernaturalia. Sed per virtutes morales constituitur quis in esse morali, & per easdem perficitur ad opera moralia, & non per aliud, ergo similiter per virtutes supernaturales constituitur quis in esse supernaturali & per easdem perficitur ad opera supernaturalia. Neque est aliud (vt videtur) per quod homo constituitur in esse supernaturali, & per quod operatur supernaturali.

Sed dicer aliquis, quod per virtutes morales non constituitur homo in esse morali primo, sed per principia naturalia, quæ sunt intellectus & voluntas: propter quod dicit Philof. 1. Polit. quod homo est animal naturale cuiuslibet. Per virtutes autem constituitur in esse secundum morali, quod ordinatur immediatè ad operationem. Et similiter est dicendum de gratia & virtutibus esse supernaturalis. Sed istud non valeret, quia per principia naturalia non constituitur homo in aliquo esse morali actu, apud unum quadam, quod innuit Philof. 2. Ethic. loquens de virtutibus, & dicit, innatis quidem nobis suscipere eas, perfectis autem per asserendum. Sed per virtutes constituitur actu in primo esse morali, & per easdem perficitur ad opera moralia. Et idem est de esse supernaturali, & operis supernaturalibus.

Dicendum ergo alter quod supposito quod gratia sit aliquid creatum in anima (quo non supposito quod non haberet locum) oportet quod gratia sit idem realiter cum virtute non quacunq; sed cum charitate que dat operibus efficaciam merendi. Quod patet duplicitate. Primum quia quæ differunt per essentiam possunt virtute diuina separari, vel saltem primum a posteriori, nisi forte alterum sit pura potentia, qui repugnat per se esse, quod dicit propter materiam primam, de qua visum fuit supra, dist. 12. qu. 2. quod non potest ab omni forma separari. Sed gratia & charitas nullo modo separari possunt, ita ut sit alterum sine altero. Alloquin sequeretur quod idem homo salveretur, & non salveretur, quia decedens in finali gratia salveretur, decedens verò sine charitate non salveretur. Quia secundum Augustinum, Charitas est vestis quæ diuidit inter filios regni, & filios perditiōis, ergo charitas & gratia non differunt per essentiam.

Secundum patet sic, quorum est unus & idem actus non solum concomitantē sed per essentiam, illa sunt unum essentialiter & non solum per concomitantiam. Sed gratia & charitas est unus & idem actus non solum concomitantē, sed per essentiam, ergo &c. Probatio minoris.

Gratia enim & similiter charitas sicut & cuiuslibet formæ est duplex actus. Primus que constituit in informatione & denominatione subiecti. Et hic est quod ad gratiam facere hominem Deo gratum, & quo ad charitatem Deo facere hominem charum, & manifestū est quod hæc sunt unum, nec differunt nisi solo nomine. Alius est reddere opus meritorium. Et in isto similiter conuenient, quare &c. Item si gratia & charitas differunt aut gratia præeminet charitatem, aut econtraut aut sunt aequales. Primum non potest dici, quia secundum Aug. 5. de trin. Charitate nullum donum Dei est excellētius. Nec secundum, quia sicut se habet perfectibile ad perfectibile, ita perfectio ad perfectionem. Sed potentia quam perfectit charitas non excusat essentiam animæ quam secundum istos perfectit gratiam, ergo &c. Nec tertium, quia perfectiones specie differentes non possunt esse aequales, gratia autem & charitas si non sunt idem, differunt specie, ergo &c. Et hoc videtur sentire Apolostolus qui viris eisdem actus attribuit scilicet dare esse spirituale, & perficiere ad opus meritorium. Nam de charitate dicit, 1 Cor. 13. Si linguis hominū loquar, &c. charitatem autem non habeam nihil sum. & quo ad opus subdit infra, capi, eodem. Omnia sufficiunt, omnia sperant, &c. De gratia vero quod det esse spirituale dicit idem Apol. prima Corin. 13. gratia Dei sum id quod sum, & rursum quod perfectit ad opus meritorium subdit, abundantius omnibus laborauit non ego, sed gratia Dei mecum. Ad idem facit quod charis in grāco, est idem quod gratia in latīno, unde & acharis dicitur quasi sine gratia.

AD primum argumentum dicendum quod gratia

Lib. II. Distinctio, XXVI.

& charitas habent primum actum continuum in subiecto scilicet facere hominem gratum vel charum. Secundum autem actum (scilicet perficere ad opus meritorium) non habent continuum, sed interpolatum, nec in hoc differunt gratia & charitas.

10 A d alius patet ex dictis, non enim ponimus quod gratia sit idem cum virtute dicta absolute, sed cum charitate solum.

QVÆSTIO SECUNDA.

Vtrum gratia sit in essentia animæ sicut in subiecto.

Tho.1.2.q.110.ar.4.

A secundum sic proceditur. Et videtur quod gratia sit in essentia animæ sicut in subiecto, quia vita respicit primo essentiam, sed gratia est vita animæ, ergo &c.

1 Item regeneratio correspondet generationi. Sed generatio primæ & per se terminatur ad essentiam formam, deinde ad potentias, ergo gratia per quam fit regeneratione primo respicit essentiam animæ, & mediante essentia respicit potentias.

Item sicut se habet essentia ad potentias ita potentiae ad operationes, sed operatio non gratificatur nisi prius gratificata potentia, ergo nec potentiae gratificantur, nisi prius gratificata essentia animæ.

4 IN contrarium arguitur, quia gratia est donum superadditum naturalibus. Sed si esset in essentia animæ non esset aliquid superadditum naturalibus sed magis interpositum inter essentiam & potentiam, ergo &c.

5 R E S P O N S I O . Hæc quæstio dependet à precedente, qui enim dicunt quod gratia & charitas differunt realiter ponunt quod gratia est subiectum in essentia animæ. Quod probant duplicitate, uno modo quia in illo est gratia sicut in subiecto quod est primo gratum Deo, sicut in illo est albedo sicut in subiecto quod est primò album. Sed essentia animæ est prius grata Deo quam potentia, ergo &c. Probatio minoris, quia ut dicitur Gene. 4, respexit dominus ad Abel & ad munera eius, per quod datur intelligi quod persona qua respicit essentiam primò est grata Deo, quia opera quæ respiciunt potentiam. Secundum dò probatur idem sic, habitus qui est in aliqua potentia, sicut pergit ad actus illius potentie. Sed gratia perficit ad actus omnium potentiarum, ergo non est in aliqua potentia, sed in eo quod est commune omnibus potentias & illud est essentia, &c.

6 Sed istud non videtur, quia impossibile est quod habitus perficiens essentiam animæ, habeat maiorem colligantiam cum habitu perficiente voluntatem, quam cum habitu perficiere intellectum. Sed gratia habet maiorem colligantiam cum charitate, quæ est habitus perficiens voluntatem, quæ cum fide quæ perficit intellectum, ergo &c. Maior probatur, quia qualis est habitudo perfectibilior, talis videtur esse perfectionem. Quoniam igitur voluntas non habet maiorem colligantiam cum essentia animæ, quæ intellectus, in modo videtur minorum, vel saltu non ita immediatam, parte ratione nec habitus voluntatis potest esse magis colligatus cum habitu perficiens essentiam animæ, quam habitus intellectus. Minor autem clara est in exemplo positivo: sequitur ergo conclusio, scilicet quod gratia non est in essentia animæ.

7 Ad primam rationem eorum dicendum quod essentia non est prius grata gratitudine supernaturali, de qua loquimur, quam potentia, quia gratia & gloria correspondent, sed essentia non glorificatur, nisi mediante potentia, ergo non gratificatur, nisi eadem mediante. Item omnis habitus (datus homini propter afferendum) Deum per opus meritorium perficit voluntatem, cuius est mereri, sed gratia est huiusmodi, ergo &c. Item si gratia perficeret essentiam animæ, perficeret ad omnes actus omnium potentiarum, & prius ad priores, videlicet ad intellectum, quam voluntatem, hoc est falsum, ergo &c. Item supernaturalia, & maximè si sunt variablia, supponunt natura invariabilitatem, sed potentiae animæ sunt invariabiles circa essentiam animæ, gratia autem est variabilis, ergo &c. Et quod dicitur vltius quod in modo, quia respicit dominus prius ad Abel, deinde ad munera eius. Non est

Quæstio II.

176

intelligendum quod Deus acceptando prius respexit ad essentiam, & deinde ad opera. Sed est sensus quod accepuit prius deuotionem offerentis, que est quidam actus interior voluntatis, deinde ad munera oblata. Et ita non est ad propositum, sed magis ad oppositum.

8 Quod autem dicatur secundo quod si esset solum in aliqua potentia non perficeret nisi ad actus illius poteret, verum est immediate, sicut & charitas non perficit nisi ad actum voluntatis immediate, sed quia actus & imperio voluntaris subiectus actus aliarum potentiarum; id est charitas ad omnes actus imperatos à voluntate perficit. Et idem est de gratia, si ponatur in sola voluntate subiecta.

9 Dicendum ergo aliter, quod non gratia, nec quicunque habitus acquisitus vel infusus est in essentia animæ. Quod patet clare de habitibus acquisitis consideranti naturam habitus, quem disserens Philofo-s-metra dicit, habitus est, quo quis bene vel male disponit ad se vel ad alterum, bene quidem per bonum habitum, & male per malum. Et secundum hoc, est duplex habitus: unus qui est dispositio rei secundum naturam eius intra. Alius, qui est dispositio rei per comparationem ad finem extra, sive ad operationem per quam finis attingitur. Exemplum primi est de sanitate per quam corpus bene disponitur in comparatione ad animam, prout ab ipsa est perfectibile, vel bene regibile. Exemplum secundi est de virtute que disponit in ordine ad opera virtuosa: ad rationem autem habitus quocunq; modo sumptu requiruntur aliqua plura diuersi modis coenitentia et in eis posse inueniri aliqua media ratio, & aliquis determinatus modus commensurationis: que ratio vel modus vocatur habitus, sicut sanitas est debita commensuratio humorum. 4. adiuicem diuersimodis commensurabilium, qui tamen in sanitate redundantur ad determinatum coenitentia modum: vnde de vbi est unum uno modo se habens, vel plura semper similiiter se habentia, ibi non requiritur aliquis habitus. Quum enim habitus ponat modum, ibi nullus est necessarius habitus, vbi modus ex natura rei est determinatus.

10 Ex his concluditur quod in essentia animæ nullus est habitus, non habitus qui est dispositio ad intra, quia habitus ad intra est dispositio rei habentis partes, quarum una per habitum disponitur ad aliam. Oportet ergo illam partem quae disponitur per habitum ad aliam partem ordinari. Sed anima cum sit ultima & completa forma hominis ad nihil aliud quod sit in homine ordinatur, non ad tempus, sed magis corpus ad animam, cum forma non sit propter materiam, sed potius econtra (ut dicitur. a. Physic.) ergo in essentia animæ non potest esse aliquis habitus qui sit dispositio hominis secundum se. Item non potest esse in ea aliquis habitus qui sit dispositio hominis in comparatione ad opus, quia sicut dictum est, ad rationem habitus requiruntur plura adiuicem diuersimodis commensurabilium. Essentia autem animæ una & simplex est, non habens partem & partem: ipsa etiam in quantum huiusmodi uno modo semper se habet. Potentia autem relate ad suas operationes diuersimodis ordinari & commensurari possunt. Contingit enim intelligere recte & non recte, propter multa quæ ad actum intelligendi concurrunt, scilicetphantasmata, & multa talia. Et similiiter est de voluntate, propter quod in solis potentias ut ordinantur ad actus, possunt esse habitus, in essentia vero animæ in quantum huiusmodi nullus.

11 De gratia autem & omnibus habitibus infusis, quæ perficiant hominem in comparatione ad operationes bona, quæ est ad utilitatem personæ, (ut est gratia gratum faciens) vel ad utilitatem ecclesie (ut sum gratia gratis dante) idem dicendum est, quod ipse sunt in illis potentias, tanquam in subiectis, ad quarum actus perficiunt.

12 A d primum argu. dicendum quod in viventibus vita naturæ, vita respicit essentiam animæ, tanquam primum principium vita: opera vero vita immediatus respiciunt potentias quæ differunt ab essentia, quia principium essendi substantialiter potest differre à principio operandi. Sed vita supernaturalis quæ est per gratiam, quoniam sit quo-lam accidentale, non poteret quod eius principium sit in alio, quam in potentia, quae est principium operandi, quoniam & ipsum principium talis vita sit principium immensum operationum, ut dictum est supra immediate.

13 Ad